



Republika e Kosovës
Republika Kosova
Republic of Kosovo



REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPŠTINA KAÇANIK



Komuna e Kaçanikut
Opština Kaçanik
Municipal Kaçanik

Data	16/02/25	Vendi	KAÇANIK
nr. org.	Nupri	Shtojcë	
01	60/01-30690		/

**RAPORT PUNE
I KOMITETIT PËR POLITIKË DHE FINANCA
PËR VITIN 2025**

Kaçanik, 2025

PËRMBAJTJA:

1.HYRJE

2.PËRGJEGJËSITË E KOMITETIT PËR POLITIKË DHE FINANCA

3. AKTIVITETI I KOMITETIT PËR POLITIKË DHE FINANCA

4. ÇËSHTJET E SHQYRTUARA NGA KPF

4.1 Aktet normative

4.2 Korniza Afatmesme Buxhetore (KAB) e Kaçanikut 2025-2027

4.3 Propozim Buxheti i komunës për vitin 2025 dhe vlerësimet për vitet 2026 -2027

4.4 Raportet finaciare dhe Planet e veprimit

4.5 Propozim Vendimet për çështje financiare

4.6 Propozim Vendime tjera me rëndësi për komunën

4.7 Propozim Vendimet për shpalljen e pronës së paluajtshme me interes të komunës

4.8 Propozim Vendime për formim të komisioneve

4.9 Propozim Vendimet për ndërrim destinimi të tokës bujqësore

4.10 Panet e Punës dhe Raportet e punës

4.11 Çështjet të tjera me rëndësi për komunën

5. SEKTORI I KUVENDIT

1. HYRJE

Komiteti për Politikë dhe Financa – KPF është trupë e përhershme punuese i Kuvendit të Komunës i formuar me Vendim të Kuvendit të Komunës 01 Nr. 60/01-38152/21 më datë: 29.12.2021, prej 7 anëtarëve, në këtë përbërje:

1. Kemal Murseli	PDK	Kryesues sipas funksionit
2. Kadri Krivenjeva	PDK	anëtar
3. Fitore Vishi	PDK	anëtar
4. Agim Mani	LVV	anëtar
5. Kadrije Lika-Troni	LVV	anëtar
6. Ardita Rrahmani	LDK	anëtar
7. Rabije Sallahi	AAK	anëtar.

Kjo përbërje pëson ndryshime, pas dorëheqjes së anëtarëve: Fitore Vishi dhe Rabije Sallahi nga pozita e anëtarit të Kuvendit të Komunës, të cilave me automatizëm iu ka pushuar pozita e anëtarit në Komitetin për Politikë dhe Financa. Zëvendësimet në KPF janë bërë me vendime të Kuvendit të Komunës: 1. Vendimit: 01 Nr. 60/01-14084/24 me datën 28.06.2024, në vend të Fitore Vishi, caktohet, Rustem Zenuni-PDK. 2. Vendimit: 01 Nr. 060/01-23022/24, me 30.09.2024, në vend të Rabije Sallahi, caktohet, Edona Luzha-AAK. Në vitin 2025, KPF ka punuar me këtë përbërje:

1. Kemal Murseli	PDK	Kryesues sipas funksionit
2. Kadri Krivenjeva	PDK	anëtar
3. Rustem Zenuni	PDK	anëtar
4. Agim Mani	LVV	anëtar
5. Kadrije Lika-Troni	LVV	anëtar
6. Ardita Rrahmani	LDK	anëtar
7. Edona Luzha	AAK	anëtar.

Përbërja e Komitetit për Politikë dhe Financa, reflekton përfaqësimin e etnitetëve politike në Kuvendin e Komunës. Me Komitetin për Politikë dhe Financa, udhëheq Kryesuesi i Kuvendit të Komunës, Kemal Murseli, sipas funksionit që ka. Mandati i KPF-së është i lidhur me mandatin e Kuvendit të Komunës.

2. PËRGJEGJËSITË E KOMITETIT PËR POLITIKË DHE FINANCA

Sipas nenit 52.2 të Ligjit Nr.03/L-040 - Për Vetëqeverisje Lokale, KPF-a është përgjegjës për shqyrtimin e të gjitha politikave, dokumenteve fiskale dhe financiare, planeve dhe iniciativave, duke përfshirë edhe dokumentet e planifikimit strategjik, kornizën vjetore buxhetore afatmesëm, planin vjetor të prokurimit, rregulloren vjetore të tarifave dhe ngarkesave, planin vjetor të punës së auditimit të brendshëm, buxhetin vjetor afatmesëm dhe çdo ndryshim të buxhetit të komunës gjatë vitit fiskal si dhe marrjen e raporteve nga kryetari i komunës dhe dorëzimin e rekomandimeve në kuvendin e komunës.

3. AKTIVITETI I KOMITETIT PËR POLITIKË DHE FINANCA

Sipas Ligjit Për Vetëqeverisjen Lokale, Statutit të Komunës, Rregullores për punë të Kuvendit të Komunës, KPF-a për gjatë periudhës raportuese është munduar që në suaza të kompetencave të veta t'i realizoj detyrat të cilat janë parashtruar. Veprimtarinë e vet e ka orientuar në fusha të ndryshme të cilat me legjislacionin në fuqi i janë lënë në kompetencë. Aktiviteti i Komitetit për Politikë dhe Financa është zhvilluar në takime të rregullta mujore. Ftesa për mbledhje bashkë me materialin i është dërguar paraprakisht të gjithë anëtarëve të KPF. Ekzekutivit të Komunës,

Zyrës së Informimit, Zyrës së IT. Gjatë periudhës raportuese ky komitet ka mbajtur gjithsej 8 mbledhje të rregullta. Mbledhjet e Komitetit për Politikë dhe Financa kanë qenë të suksesshme dhe konstruktive. Angazhimi i anëtarëve të KPF-a ka qenë në nivel të duhur. Prezenca e anëtarëve të këtij komiteti ka qenë e rregullt, me përjashtim të ndonjë mungese shumë të arsyeshme. Nuk ka pasur lëshim apo bojkotim të asnjë mbledhje apo pjesë të mbledhjeve. Në mbledhjet e KPF-së ka mbretëruar një frymë e punës dhe e bashkëpunimit në mes të subjekteve politike të përfaqësuara në këtë komitet. Për të gjitha mbledhjet e KPF-a është mbajtur Procesverbal i cili pas aprovimit të KPF është bërë transparent në faqen zyrtare të komunës. Në takimet e KPF-së janë shqyrtuar çështje të ndryshme në interes të komunës apo në interes të personave fizik dhe të personave juridik. Për të gjitha çështjet të cilat është dashur të debatohet Kuvendi i Komunës në seancën e vet, kjo trupë punuese paraprakisht i ka shqyrtuar dhe e ka dhënë mendimin e vet. Në këtë drejtim ka shqyrtuar 48 çështje për të cilat ia ka Rekomanduar Kuvendit të Komunës për shqyrtim apo marrjen e vendimit adekuat. Në disa takime të kësaj trupe punuese ka marrë pjesë Kryetari i Komunës, Nënkryetari i Komunës, ndërkaq kryesisht kanë marrë pjesë drejtorët e Drejtorive Komunale, të cilët i kanë arsyetuar çështjet e propozuara sipas fushë veprimtarisë së tyre, pasi që gati çdo çështje ka shqyrtuar KPF, propozimet kanë rrjedhur nga organi ekzekutiv i komunës. Ekzekutivi i komunës në mbledhjet e KPF-a ka dhënë edhe informacione tjera të nevojshme shtesë drejtpërdrejtë në mbledhje. Bashkëpunimi i KPF-a me stafin ndërkombëtarë gjatë periudhës raportuese ka qenë në nivelin e duhur. I gjithë materiali i mbledhjes i është dërguar OSBE, disa nga mbledhjet janë monitoruar nga Faruk Dërmaku, ndërkaq në dy mbledhje ishte në monitorim edhe Flora Llalloshi. Mbledhjet e KPF-së janë mbajtur me dyer të hapura për çdo të interesuar, mirëpo pjesëmarrja e qytetarëve, OJQ dhe grupeve tjera të interesit ka qenë minimale. Për aktivitetin e zhvilluar të KPF-a është bërë një përmbledhje e punimeve dhe i njëjtin është plasuar në faqen zyrtare të komunës dhe në facebookun zyrtar të komunës. Ftesa për mbledhje të KPF me materialin përkatës është publikuar çdo herë në faqen zyrtare, ndërkaq në facebookun zyrtar të komunës është publikuar ftesa për mbledhje. Kjo tregon sesa ka qenë transparente kjo trupë punuese ndaj qytetarëve të komunës, OJQ-ve dhe grupeve tjera të interesit për aktivitetin e saj të zhvilluar përgjatë periudhës raportuese.

4. ÇËSHTJET E SHQYRTUARA NGA KPF

Komiteti për Politikë dhe Financa gjatë periudhës raportuese i ka shqyrtuar gjithsej 45 pikë, përfshirë edhe Procesverbalet e mbledhjeve të KPF, ku çdo procesverbal i mbledhjes paraprake të KPF ka qenë pikë e parë e rendit të punës në çdo mbledhje. Në krahasim me vitin 2024, KPF në vitin 2025 ka pasur në shqyrtim me pak pikë, për shkak të zgjedhjeve lokale aktiviteti i KPF ka pushuar me herët. Çështjet e shqyrtuara janë materiale të përgatitura nga shërbimet përkatëse profesionale të komunës. Çështjet e shqyrtuara kanë qenë të natyrave të ndryshme, si për rregullativen normative, çështje buxhetore, raporte dhe programe të punës së ekzekutivit të komunës, propozim vendime të ndryshme të shërbimeve përkatëse profesionale, dhe çështje tjera më rëndësi për komunën. Bazë për hartimin e këtij raporti janë, procesverbalet e mbledhjeve të KPF të vitit 2025. Në vazhdim do të i potencojmë çështjet të cilat kanë qenë në shqyrtim të Komitetit për Politikë dhe Financa:

4.1 Aktet normative

Gjatë periudhës raportuese përmes KPF kanë kaluar aktet normative të cilat kanë qenë në shqyrtim të kësaj trupe punuese janë:

1. Propozim Rregullore për organizimin e brendshëm dhe sistematizimin e vendeve të punës në komunën e Kaçanikut/ Lënda: 01Nr. 060/01-8175/25;

2. Propozim Rregullore për taksa, tarifa dhe ngarkesa komunale 01Nr. 104/02-8228/25
3. Propozim Rregullore për transport rrugor në territorin e komunës së Kaçanikut/ Lënda: 01Nr. 07-104/02-13623/25;
4. Propozim Rregullore për transparencë e komunës së Kaçanikut/ Lënda: 01Nr. 104/02-13630/25.

KPF i ka shqyrtuar në detaje këto akte normative dhe të njëjtat ia ka rekomanduar Kuvendit të Komunës për shqyrtim dhe aprovim apo në procedurë të mëtutjeshme të debatit publik me qytetarë të komunës.

4.2 Korniza Afatmesme Buxhetore (KAB) e Kaçanikut 2026-2028

Si çdo herë tjetër kur janë shqyrtuar çështjet buxhetore edhe në vitin 2025 KPF-a i ka kushtuar rëndësi të veçantë, Kornizën afatmesme të shpenzimeve të Komunës së Kaçanikut për vitet: 2026-2028. Korniza afatmesme e shpenzimeve është dokument fillestar për hartimin e buxhetit të komunës. Dokumente përcjellëse që i kanë paraprirë hartimit të buxhetit për vitin 2026 janë: Qarkoret e brendshme buxhetore dhe KBAK. Vetëm për Draftin kornizë KPF-a ka debatuar gjerë e gjatë, e ka dhënë mendimin e vet dhe ia ka Rekomanduar Kuvendit të Komunës për shqyrtim dhe miratim apo lëshimin e dokumentit në procedurë të debatit publik me qytetarë.

4.3 Propozim Buxheti i Komunës për vitin 2026 dhe vlerësimet për vitet 2027 -2028

Në këtë dokument, KPF-a ka shqyrtuar Buxhetin afatmesëm të projektuar të komunës për vitet: 2026-2028, ka aprovuar Propozim Buxhetin e Komunës për vitin 2026 në shumë, 13,399,753.00€ dhe Vlerësimet për vitet 2027-2028, në shumat buxhetore, 14,070,440.00€ në vitin 2027 dhe 14,757,058.00€ për vitin 2028. Edhe në këtë plan afatmesëm buxhetor, KPF-a ka propozuar me i futur synimet e veta për secilën veprimtari konform Ligjit për Vetëqeverisje Lokale dhe Statutit të Komunës, dhe çdo herë duke iu dhënë prioritet Listës së Projekteve kapitale. Në këtë drejtim ka aprovuar një Listë me 41 Projekte kapitale të propozuar nga ekzekutivi i komunës, duke iu dhënë prioritet atyre projekteve që janë me të nevojshme dhe emergjente për komunitetet në shumën, 3,207,311 € në vitin 2026, 3,526,194 € në vitin 2027 dhe 3,661,395€ në vitin 2028. Duke marrë për bazë faktin se më buxhetin e ndarë për projekte kapitale, nuk mund të realizohen të gjitha projektet e aprovuara, sepse disa nga projektet kanë hyrë në listë vetëm sa për t'u koduar, mirëpo gjithherë është menduar në angazhimin e organeve të komunës, në nivelin qendror dhe më gjerë për gjetjen e donacioneve më qëllim që projektet e aprovuara të realizohen. Kontributin e vet për çështjen e buxhetit të komunës, KPF-a e ka dhënë edhe në dëgjime publike të organizuara më qytetarë, ku një dëgjim publik për çështje të buxhetit të komunës, është organizuar dhe mbajtur nga kjo trupë punuese me 10.09.2025. Pas vlerësimit të thukët nga KPF-a, Draf Buxheti i Komunës për vitin fiskal 2026 dhe vlerësimet për vitin 2027-2028, i është përcjellë Kuvendit të Komunës për shqyrtim dhe miratim.

4.4 Raportet financiare dhe Plani i veprimit

Gjatë periudhës raportuese, KPF ka shqyrtuar këto raporte që lidhen me çështjet financiare:

1. Raporti Vjetor Financiar për periudhën, Janar – Dhjetor 2024;
2. Raporti vjetor lidhur me auditimet e brendshme të kryera dhe aktivitetet e Auditimit të Brendshëm për vitin 2024;
3. Raporti periodik për zbatimin e rekomandimeve të dhëna në Raportin e Auditimit nga Zyra Kombëtare e Auditimit, të vitit 2023;
4. Raporti tremujor financiar për periudhën: Janar-Mars 2025;

5. Raporti gjashtëmuor financiar për periudhën: Janar-Qershor 2025;
6. Raporti i Auditimit për pasqyrat financiare vjetore të komunës së Kaçanikut, për vitin 2024;
7. Plan i Veprimit për zbatimin e Rekomandimeve të dhëna në Raportin e Auditimit nga Zyra Kombëtare e Auditimit, për PFV 2024.

Të çështja e raporteve financiare, KPF-a në disa sektorë vlerëson se janë përmbushur objektivat në pajtim me planifikimin e të hyrave vetjake komunale, ndërsa në disa sektorë në raport me planifikimin ka qenë më pak i kënaqur dhe këto pakënaqësi kjo trupë punuese i ka shprehur sa herë të ekzekutivi i komunës dhe sugjerimet e KPF-a kanë ndikuar në një angazhim pak më të madh të sektorëve të caktuar që inkasimi i të hyrave vetjake komunale në sektorë të caktuar të shënoj ngritje. Në Raportet financiare, vlen të cekët se KPF-a ka kërkuar sqarime shitesë të shpenzimeve buxhetore në programe të caktuara buxhetore sa herë që janë shqyrtuar raportet financiare aty ku ka pasur paqartësi, ndërsa për çdo shpenzim që ka menduar se është i madh apo më pak i arsyeshëm në raport me nevojat të tjera, ka dhënë vërejtjet e tija, ndërkaq i ka mbështetur rekomandimet e Zyrës Kombëtare të Auditorit për zbatimin e rekomandimeve të paraqitura si në raportin e vitit 2024. Në këtë drejtim ka aprovuar Planin e veprimit për zbatimin e rekomandimeve në raportin e auditimit të dhënë nga ZKA, për vitin 2024. Për të gjitha raportet e sipërhënuara, pas shqyrtimit të thukët, KPF ia ka përcjellë Kuvendit të Komunës në procedurë për shqyrtim.

4.5. Propozim Vendimet për çështje financiare

Propozim Vendimeve për çështje financiare, KPF-a iu ka kushtuar një rëndësi e veçantë, në këtë drejtim në pamundësi të realizimit të disa projekteve kapitale apo çështje të tjera, është intervenuar në mjetet që nuk kanë arritur të realizohet sipas Listës së projekteve kapitale nga vitet paraprake, për t'i bartur në ndonjë projekt tjetër kapital. Propozim Vendim për bartjen e mjeteve vetanake të pashpenzuara nga vitet paraprake, në buxhetin e komunës të vitit 2025; Propozim Vendimi për rialokimin e mjeteve buxhetore sipas buxhetit të vitit 2025.

Vendimi për bartjen e të hyrave të tejkaluara nga viti 2024 në vitin 2025 ka ndikuar në ndryshimin e buxhetit të vitit 2025.

Për çdo ndryshim buxhetor të propozuar, KPF-a ka kërkuar sqarime të nevojshme nga propozuesi pse ka ardhur deri të ndryshimet buxhetore, e në veçanti ka kërkuar arsye të projektet kapitale që kanë qenë në listë për realizim e nuk janë realizuar në kohën e përcaktuar. KPF pos tjerash ka kërkuar në vazhdimësi sqarime të nevojshme nga ekzekutivi i komunës se deri ku kanë arritur realizimi i projekteve kapitale. Për të gjitha këto çështje, janë dhënë vërejtjet dhe sugjerimet nga KPF-a dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

4.6 Propozim Vendime tjera me rëndësi për komunën

Propozim vendimet e propozuara kryesisht janë të natyrave të ndryshme me rëndësi për komunën.

Në këtë drejtim ka aprovuar, Planin Ndërkomunal për Menaxhimin e Integruar të Mbeturinave për rajonin e Gjilanit dhe Ferizajt; Propozim Vendimi për vlerësimin e rreziqeve nga fatkeqësitë natyrore dhe fatkeqësitë tjera për komunën e Kaçanikut, Propozim-Vendim Për Emërtimin dhe Riemërtimin e Rrugëve Lokale, pas Shqyrtimit të Ankesave, Kërkesave dhe Propozimeve nga Qytetarët e Komunës së Kaçanikut.

Propozim Vendimi për miratimin e Planit Ndërkomunal për Menaxhimin e Integruar të Mbeturinave për rajonin e Gjilanit dhe Ferizajt (2025-2030). Për të gjitha këto çështje, KPF ka diskutuar, e ka dhënë mendimin e vet dhe të njëjtat ia ka përcjellë Kuvendit të Komunës në procedurë për shqyrtim dhe aprovim apo për njoftim.

4.7 Propozim Vendimet për shpalljen e pronës së paluajtshme me interes të përgjithshëm

Gjatë periudhës raportuese, KPF ka pasur në rend pune këto propozim vendime që kanë të bëjnë me shpalljen me interes të përgjithshëm të pronave private:

Propozim Vendim për shpallje me interes publik të Parcelave kadastrale në ZK Elezaj dhe ZK Bob, Propozim Vendim për shpallje me interes publik të pjesëve Parcelave kadastrale në ZK Kaçanik, Propozim Vendim për këmbimin e pronës së paluajtshme të komunës, me pronën e paluajtshme të personit fizik, Kumrije Tali, Propozim Vendim për këmbimin e pronës së paluajtshme të komunës, me pronën e paluajtshme të personit fizik, Adnan Vishi, Propozim Vendim për këmbimin e pronës së paluajtshme të komunës, me pronën e paluajtshme të personit fizik, Burim Çallaku. Propozim Vendim për shpallje me interes publik të parcelës kadastrale 00515-1 në ZK Kaçanik.

KPF ka diskutuar gjerë e gjatë për këto propozim vendime, ka dhënë mendimin e vet dhe të njëjtat ia ka rekomanduar Kuvendit të Komunës për shqyrtim dhe vendosje.

4.8 Propozim Vendime për formim të komisioneve

Në këtë drejtim, KPF ka shqyrtuar: Propozim Vendimi për emërimin e komisionit përzgjedhës për drejtor dhe zëvendësdrejtor të institucioneve arsimore. KPF ka diskutuar për përbërjen e këtij komisioni, e ka dhënë mendimin e vet dhe të njëjtat ia ka rekomanduar Kuvendit të Komunës për shqyrtim dhe miratim.

4.9 Propozim vendimet për ndërrim destinimi të tokës bujqësore

KPF gjatë periudhës raportuese ka shqyrtuar: Propozim Vendim për ndërrimin e destinimit të tokës bujqësore në ndërtimore ZK Bob. Kësaj çështje i është kushtuar rëndësi e veçantë, janë kërkuar sqarim të nevojshme nga drejtoria përkatëse dhe i njëjti i janë rekomanduar Kuvendit të Komunës për shqyrtim dhe aprovim. KPF-a sa herë që i adresohen propozim vendime të kësaj natyre, i sugjeron ekzekutivit të komunës që të kenë kujdes për mos cenimin e Planit Zhvillimor të Komunës –PZHK, ndërkaq kërkon që komuna të ketë sa me parë që është e mundur PZHK të ri. Në anën tjetër, KPF sugjeron që të ruhet tokat bujqësore, sepse fondi i tokave bujqësore në komunën e Kaçanikut është shumë i vogël.

4.10 Planet e Punës dhe Raportet e Punës

KPF gjatë periudhës raportuese ka pasur në shqyrtim këto plane dhe raporte të punës:

1. Plan i Punës së Ekzekutivit të Komunës për vitin 2025;
2. Plan i Vjetor i punës i Këshillit Komunal për Siguri në Bashkësi, Janar-Dhjetor 2025;
3. Plan i veprimit për transparencë e komunës së Kaçanikut;
4. Plan i Veprimit për zbatimin e rekomandimeve të dhëna në Raportin e Auditimit nga Zyra Kombëtare e Auditimit, për PFV 2024;
5. Raporti i Ekzekutivit të Komunës për vitin 2024;
6. Raporti Vjetor Financiar për vitin e përfunduar me 31 dhjetor 2024;
7. Raporti Tre Mujor Financiar për Periudhën Janar – Mars 2025;
8. Raporti Gjashtëmujor financiar për periudhën: Janar-Qershor 2025;
9. Raporti vjetor lidhur me auditimet e brendshme të kryera dhe aktivitetet e Auditimit të Brendshëm për vitin 2024;
10. Raport i punës i Këshillit Komunal për Siguri në Bashkësi për gjashtëmujorin e parë 2025;

11. Raporti i Auditimit për pasqyrat financiare vjetore të komunës së Kaçanikut, për vitin 2024;
 12. Raport periodik për zbatimin e rekomandimeve të dhëna në raportin e Auditimit nga Zyra Kombëtare e Auditimit 2023;
 13. Raporti i punës i Komitetit për Politikë dhe Financa, për vitin 2024;
 14. Informatë për Aktivitetin e Kuvendit të Komunës, në vitin 2024.
 15. Informatë për Menaxhimin e Burimeve Njerëzore për vitin 2024;
 16. Informatë për Përfundimin e Gjysmë vjetorit të Parë të vitit shkollor 2024/2025.
- Këtyre çështjeve KPF iu ka kushtuar rëndësi të veçantë, ashtu që i ka shqyrtuar në detaje të gjitha raportet dhe planet e punës të theksuara si më lartë ka dhënë vërejtjet dhe sugjerimet e veta dhe të njëjtat ia ka rekomanduar Kuvendit të Komunës në procedurë për shqyrtim dhe aprovim apo sa për njoftim.

4.11 Çështjet të tjera me rëndësi për komunën

Nga çështje tjera, KPF gjatë periudhës raportuese ka shqyrtuar këto informata:
 Informatë për Aktivitetin e Kuvendit të Komunës për vitin 2024;
 Informatë e menaxhimit të burimeve njerëzore për periudhën Janar – Dhjetor 2024;
 Informatë për përfundimin e Gjysmëvjetorit të Parë të Vitit shkollor 2024/2025;
 Informatë për menaxhimin e burimeve njerëzore për periudhën Janar-Dhjetor 2024;
 Edhe këtyre çështjeve iu ka kushtuar KPF rëndësi të veçantë, ka kërkuar sqarime shtesë nga organet kompetente lidhur me statistikën e prezantuar në këto informata. Të Informatat e arsimit ka shprehur shqetësim për numrin e mungesave të arsimtarëve dhe të nxënësve, zvogëlimin e numrit të nxënësve sidomos në shkolla të mesme dhe ka kërkuar gjetjen e formave që numri i nxënësve në këto shkolla mos të zvogëlohet. Këto informata, pas shqyrtimit të thukët, ia ka adresuar KK në procedurë për shqyrtim.

5. SEKTORI I KUVENDIT

Punët dhe detyrat e punës së KPF-a përgatiten nga një zyrtar i punësuar në Sektorin e Kuvendit të Komunës dhe nga një zyrtar i punësuar në Zyrën e Kryesuesit të Kuvendit. Me angazhimin e këtyre zyrtarëve, përgatiten mbledhjet e KPF-a, përgatitet materiali i nevojshëm, përpilohet Procesverbali i mbledhjes dhe Shkresat tjera të dalë nga mbledhjet e kësaj trupe punuese dhe të njëjtat arkivohen për nevojat e Shërbimit Civil të Komunës. Të njëjtat punë këta zyrtarë kryejnë edhe për Kuvendin e Komunës dhe për Komitetin për Komunitete.

Për Komitetin për Politikë dhe Financa
 Kryesuesi i Kuvendit, Kemal Murseli

